

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 289. Num præter dictam adulteriorum compensationem sint aliæ  
causæ excusantes à pœnis adulterii tam civilibus quàm criminalibus.

---

[urn:nbn:de:hbz:466:1-73982](#)

gravior infetur injuria conjugi quam per Sodomitam. Pith. num. 31. proceditque haec compensatio juxta paulo ante dicta, et si unus sit reus adulterii & Sodomiae, alter solius adulterii. Farin. l.c. q. 143, num. 35. modò sicut adulterium, ita & Sodomia sit plenè perfecta & consummata per effusionem feminis in vas, cum alias neutrum horum criminum sit sufficiens ad divortium. Sanch. cit. d. 6. num. 3. Farin. l.c. num. 75. Pith. l.c.

2. Limitatur è contra responso, ut non admittatur compensatio adulterii cum adulterio inter conjuges, nisi adulterium, cuius petitur compensatio, sit certum, notorium & liquidum. Host. in c. ult. b. t. v. manifeste. Jo-And. ibid. n. 1. Sanch. l.c. d. 12. n. 28. Farin. l.c. num. 80. Secus tamen est in foro conscientia, in quo adulterium occultum compensari potest cum adulterio publico alterius, ita ut adulter occultus non possit petere divortium in foro interno, in quo non requiritur alia probatio, sed sufficit quod constet soli adulterio. ita Sanch. d. 6. num. 9. Farin. num. 82. Pith. n. 32. Item limitatur ita, ut exceptio compensationis unius adulterii cum alio opponatur ante litis contestationem, si agatur criminaliter; Secus, si agatur civiliter ad divortium, tunc enim opponi potest omni tempore usque ad sententiam; quia tunc est exceptio peremptoria, virum repellens ab agendo seu à petendo divortio; in causa vero criminali non permit delictum, sed excludit ab accusando, cuius loco cum quilibet accusare possit, habet vim exceptionis dilatoria, quæ opponi debet ante litem contestatam. Sanc. l.c. num. 10. Farin. q. 142. Covar. l.c. §. 6. n. 6. Pith. l.c. Illud hic notandum in ordine ad dictam compensationem, quod innocentem post latam sententiam divortii incidente in adulterium Judex Ecclesiasticus ex officio suo reintegrare debeat matrimonium & conjuges hos adulteros inter se reconciliare, ut iterum cohabitent, ut fornicationis periculo consulatur, delictum siquidem superveniens præjudicat rei judicati ob anima periculum, & Judex Officium suum impetrari debet, ubi id necessarium ad bonum commune & vitanda peccata. ita Abb. in c. ult. b. t. num. 4. Nav. L. 5. consil. 1. Sanch. l.c. num. 31. Pith. num. 29.

**Quæst. 289.** Num preter dictam adulteriorum compensationem sint aliæ causæ excusantes à pœnis adulterii tam Civilibus quam Criminalibus?

R Esp. Sunt fere sequentes: Prima, si uxor sit violenter oppressa, tunc enim cessante omnibus culpâ cessat omnis pœna: Secus si non per vim absolutam tollentem omne voluntarium, sed per metum gravem sit carnaliter cognita; cum coacta voluntas non excusat in maleficio, et si ei tunc imponi nequeat pœna ordinaria adulterii, neque Civilis neque Criminalis, & sic privari nequeat neque dote, neque consortio viri; cum adulterium taliter punibile non committatur sine dolo malo. L. penit. ff. b. t. Qualiter in dicto casu non committitur; meretur tamen pœnam aliquam mitigationem. Secundo: Si uxor de consenu mariti eam prostitutus commisit adulterium L. cum mulier. ff. soluto mat. ei enim objicere non potest matrimonium, praesertim si eam invitam prostituit. t. discretionem de eo, qui cogn. consang. uxor. Adeoque nec dorem retinere nec donationes propter nuptias repete: Quin tamen tales à Magistratu possint puniri criminaliter, extra dubium esse vi-

detur. Tertiò: si vir uxorem adulteram retinuit, eique reconciliatus est; quia videtur condonasse injuriam. Arg. c. quemadmodum de jurejur. c. si illi. 23. q. 4. Gl. in c. penit. b. t. Zofel. ad ff. leg. Julianas de adult. n. 5. Quartò: Si maritus occidit uxorem deprehensam in adulterio, non lucratut dotem, sed possunt Hæredes uxoris eam ab illo repetere. L. si ab Hostibus. §. si vir. ff. soluto mat. ubi etiam in fine, quod si uxor occidisset virum adulterum, non lucretur donationem propter nuptias ex pacto debitam. Quintò mortuo viro ante accusationem de adulterio motam civiliter ad lucrandam dotem, non licet Heredibus uxorem viduam accusare & dotem repetere, L. rei judicata. ff. sol. mat. Sextò cessat accusatio elapsò tempore præfiso, nempe quinquennio juxta dicta à nobis suprà. Septimò: Pœnas ordinarias adulterii evadit, qui solutam, quam conjugatain putabat, carnaliter cognoscit, Reiffenst. b. t. num. 24. denique qui omnem conatum ad adulterandum adhibuit, non tamen reipsa commisit; cum adulterium non ex solo animi proposito, sed ex actu ipso, nempe habita copula & seminatione in vas in ordine ad pœnas intelligatur. L. fugitivus. ff. de V. S. De cetero non excusat à pœna conjux, qui propter extremam necessitatem commisit adulterium; Pith. num. 35. cum Farin. p. 5. q. 142. n. 15. cum adulterium & fornicatio sit intrinsecè malum, & lege naturali & divinâ prohibutum, Covar. in reg. pec. catum. p. 2. §. 1. num. 6. in 5. rat. Pith. l.c. ideoque, quamdiu voluntarium est, illius turpitudi & malitia talis est in se, ut nullâ voluntate seu consensi, nullaque alia circumstantia, etiam vita periculo purgari vel tolli possit, sed potius omnia mala, morsque ipsa subeunda, quam præbendus in illud consensu, ut Farin. l.c. q. 141. n. 6. Secus ac ea res se habet in furto, quod licitum est ad sublevandam necessitatem extremam, utpote per quod tunc nulla infertur injuria domino rei accepta; quanvis tamen tanta necessitas & metus non excusat adulterium à culpa etiam gravi, excusat illud à pœna ordinaria adulterii & relinquat obnoxium pœna alicui mitiori pro foro externo; cum mitius puniendus sit, qui necessitate vel metu cocente, adeoque minus voluntariè facit malum, quam sponte faciens. Ita Pith. l.c. cum Abb. in c. sacr. de his qua vi. num. 2. & Laym. ibid. n. 5.

**Quæst. 290.** An inter pœnas adulterii fuerit aut sit occisio filie & uxoris deprehensa in adulterio à patre vel marito?

1. R Esp. Primò: Olim inter pœnas adulterii fuit, quod pater & maritus adulteram & filiam deprehensam in adulterio impune possent occidere, & de patre expressus est textus. in L. parri. ff. ad Leg. ful. de adult. & L. in ea. ff. eod. & de marito. L. si adulterium. §. 8. ff. eod. Cujus utriusque ratio erat, quod in hoc casu pater & maritus censorient constituti ministri justitiae, vel potius dicendum cum pluribus Theologis, quod præfatae leges etiæ tale Homicidium tanquam licitum non approbarint, tamen immune esse voluerint à pœnis intuitu justi doloris. Hoc jus occidendi approbari in Constat. Carolin. A. 142. & 150. testatur Lauterb. ad ff. ad Leg. ful. de adult. 28. citatis aliis, extenditque Justin. in Novell. 117. a. 15. concedendo facultatem occidendi quasi adulterum, id est, antè hæc de adulterio suspectum, & post trias in scriptis contestationes & denunciations in præ-

R.P. Leur. Jur. Can. Lib.V.